

本草崇原集說

陳豪署

本草崇原集說卷中

錢塘張志聰隱菴註釋 餘杭章炳森椿伯

同邑高世栻士宗纂集 歸安王紹庸羹梅參校

同邑仲學輅昂庭集說 慈谿林良琦舒青

本經中品

玄參氣味苦微寒無毒主治腹中寒熱積聚女子產乳餘疾補腎氣令人明目玄參近道處處有之二月生苗七月開花八月結子

黑色其根一株五七枚生時青白有腥氣曝乾鋪地下久則黑也

參者參也以互參之體用言之各有參伍參贊二義

原玄乃水天之色參者參也根實皆黑氣味苦寒稟少陰寒水之精上通於肺故微有腥氣主治腹

中寒熱積聚者。啟腎精之氣。上交於肺。則水天一氣。上下環轉。而腹中之寒熱積聚。自散矣。女子產乳餘疾者。生產則腎藏內虛。乳子則中焦不足。雖有餘疾。必補腎和中。玄參滋腎藏之精。助中焦之汁。故可治也。又曰。補腎氣令人明目者。言玄參補腎氣。不但治產乳餘疾。且又令人明目也。中品治病。則無久服矣。餘俱倣此。

經元參所以治腹中諸病者。以其啟腎氣上交於肺。得水天一氣。上下環轉之妙用也。張隱菴註解本甚妙。詳於丹參註中。其云主產乳餘疾者。以產後

脫血則陰衰。而火無所制。治之以寒涼。旣恐傷中。
加之以峻補。又恐拒隔。惟元參清而微補。故爲產
後要藥。令人明目者。黑水神光屬腎。補腎自能明
目也。仲氏曰。中品治病。病治當止。故無久服明
文。若中品之玄參。配上品之菟絲。爲玄菟丸。嬰兒
久服。可免痘患。惟子由得其所以然。詳見類辯。

丹參氣味苦微寒。無毒。主心腹邪氣。腸鳴幽幽如走
水。寒熱積聚。破癥除瘕。止煩滿。益氣。丹參出桐柏川谷及太山。今近

道處處有之。其根赤色大者如指長尺餘。一苗數根。

崇丹參玄參。皆氣味苦寒。而得少陰之氣化。但玄

參色黑稟少陰寒水之精而上通於天丹參色赤稟少陰君火之氣而下交於地土下相交則中土自和故玄參下交於上而治腹中寒熱積聚丹參上交於下而治心腹邪氣寒熱積聚君火之氣下交則土溫而水不泛溢故治腸鳴幽幽如走水破癥除瘕者治寒熱之積聚也止煩滿益氣者治心腹之邪氣也夫止煩而治心邪止滿而治腹邪益正氣所以治邪氣也

經讀今人謂丹參一味功兼四物共認爲補血行血之品爲女科專藥而丹參之真功用掩矣

紫參氣味苦寒無毒主治心腹積聚寒熱邪氣通九

竅大小便

紫參本經名牡蒙出河西及冤句山谷今河中晉解齊及淮蜀州郡皆有之苗長一

二尺莖青而細葉似槐葉亦有似羊蹄者五月開

細白花似葱花亦有紅紫而似水荭者根淡紫黑

色如地黃狀肉紅白色肉淺皮深三月采

根火炙乾便成紫色又云六月采晒乾用

崇原金匱澤漆湯方用紫參

本論云欬而脈沈者澤

漆湯主之綱目集解云古方所用牡蒙皆爲紫參

而陶氏又以王孫爲牡蒙今用亦希因金匱方有

紫參故存於此。仲氏曰論畧各方爲經方其未

入論畧者爲古方千金外臺等書俱已收載所有

澤漆湯中紫參一作紫菀與紫參湯並出金匱。豈

後人不知紫參。卽是牡蒙。而改爲紫菀歟。又按王

孫苦平。牡蒙苦寒。二物各有主治。陶氏比而同之。

亦誤矣。又曰。玄參丹參紫參。此三參同在中品。前

列其氣味主治亦相同。然同中有異。豈可混用。必

如崇原辨別清楚。而後驗病擇藥。不至倒行逆施。

白前根氣味甘微溫無毒。主治胸膈逆氣。欬嗽上氣。

呼吸欲絕。

別錄附

○陶宏景曰。白前出近道。根似細辛。

尺許。其葉似柳。或似荒花。根長於細辛。白色生洲

渚沙磧之上。不生近道。俗名石藍。又名嗽藥。馬志

曰。根似白薇。牛膝輩。陳嘉謨曰。似牛膝粗長堅直。

折之易斷者。白前也。似牛膝細短柔軟。折之不斷。

者。白微也。近道俱有形色。頗同以此別之。不致差誤。

蘇州藥肆誤以
白前爲白微
白前爲白前相沿
已久。

崇
原寇宗奭曰。白前能保定肺氣。治嗽多用。以溫藥
相佐使尤佳。李時珍曰。白前色白而味微辛甘。手
太陰藥也。長於降氣。肺氣壅實而有痰者宜之。若
虛而長哽氣者不可用。張仲景治欬而脈浮者。澤
漆湯中亦用之。愚以澤漆湯方有紫參。復有白前。
故因紫參而附白前於此也。白前雖別錄收入中
品。而仲祖方中先用之。則宏景亦因古方錄取。但
出處不若本經之詳悉。學者須知之。

當歸氣味苦溫無毒。主治欬逆上氣。溫瘧寒熱。洗洗
在皮膚中。婦人漏下絕子。諸惡瘡瘍金瘡。煮汁飲之。

當歸始出隴西川谷及四陽黑水。今川蜀陝西諸郡皆有春生苗綠葉青莖。七八月開花似蒔蘿嬌紅可愛形圓象心其根黑黃色今以外黃黑內黃白氣香肥壯者爲佳。

崇原當歸花紅根黑氣味苦溫。蓋稟少陰水火之氣。

主治欬逆上氣者。心腎之氣上下相交各有所歸。則欬逆上氣自平矣。治溫瘡寒熱洗洗在皮膚中者助心主之血液從經脈而外充於皮膚則溫瘡之寒熱洗洗而在皮膚中者可治也。治婦人漏下絕子者助腎藏之精氣從胞中而上交於心包則婦人漏下無時而絕子者可治也。治諸惡瘡瘍者養血解毒也。治金瘡者養血生肌也。凡藥皆可

煮飲獨當歸言煮汁飲之者。以中焦取汁變化而
赤則爲血。當歸滋中焦之汁以養血。故曰煮汁。謂
煮汁飲之得其專精矣。○本經凡於主治外加別
言。各有意存。如朮宜煎餌。地黃作湯。當歸煮汁。皆
當體會。

經讀當歸氣溫。稟木氣而入肝。味苦無毒。得火味而
入心。其主欬逆上氣者。心主血。肝藏血。血枯則肝
木挾心火而刑金。當歸入肝養血。入心清火。所以
主之也。肝爲風。心爲火。風火爲陽。陽盛則爲但熱。
不寒之溫瘧。而肺受風火之邪。肺氣怯不能爲皮

同義不同功學
者勿以辭害意

毛之主。故寒熱洗洗在皮膚中。當歸能令肝血足。而風定。心血足而火息。則皮膚中之寒熱可除也。肝主藏血。補肝卽所以止漏也。手少陰脈動甚爲有子。補心卽所以種子也。瘡瘍皆屬心火。血足則心火息矣。金瘡無不失血。血長則金瘡瘳矣。煮汁飲之。四字別言。先聖大費苦心。謂中焦受氣取汁。變化而赤。是謂血。當歸炒。燥土炒。反涸其自然之汁。作湯。同義可知。時傳炒。燥土炒。滋中焦之汁。與地黃。大失經旨。○仲氏曰。崇原釋藥性。皆見道之言。最宜熟玩。若當歸一切主治。有非他藥所勝任者。亦

必從源頭說起。纔得分明。又曰。經讀參諸家之說。取其淺而易知也。但經義有淺亦有深。深深如崇原。先明稟氣。卽始見終。淺如經讀。分疏心肝。因此識彼。要皆足以正蒙。

芍藥氣味苦平。無毒。主治邪氣腹痛。除血痺。破堅積。寒熱。癰瘕。止痛利小便。益氣。芍藥始出中嶽山谷。今州江浙吳淞處處有之。而園圃中多蒔植矣。春生紅芽。花開於三月四月之間。有赤白二色。又有千葉單葉樓子之不同。入藥宜用單葉之根。蓋花薄則氣藏於根也。開赤花者爲赤芍。開白花者爲白芍。

崇原初之氣。厥陰風木。二之氣。少陰君火。芍藥春生

紅芽稟厥陰木氣而治肝。花開三四月間。稟少陰火氣而治心。炎上作苦。得少陰君火之氣化。故氣味苦平。風木之邪傷其中土。致脾絡不能從經脈而外行。則腹痛。芍藥疏通經脈。則邪氣在腹而痛者可治也。心主血。肝藏血。芍藥稟木氣而治肝。稟火氣而治心。故除血痺。除血癥。則堅積亦破矣。血痺爲病。則身發寒熱。堅積爲病。則或癰或瘕。芍藥能調血中之氣。故皆治之。止痛者。止癰瘕之痛也。肝主疏洩。故利小便。益氣者。益血中之氣也。蓋病治。則益氣而血亦行矣。○芍藥氣味苦平。後人妄

改聖經而曰微酸。元明諸家相沿爲酸寒收斂之品。凡裏虛下利者多用之以收斂。夫性功可以強辯氣味不可訛傳。試將芍藥咀嚼酸味何在。又謂新產婦人忌用芍藥恐酸斂耳。夫本經主治邪氣腹痛且除血癥寒熱破堅積症瘕則新產惡露未盡正宜用之。若裏虛下利安得妄用。又謂白芍赤芍各爲一種。白補赤瀉。白收赤散。白寒赤溫。白入氣分。赤入血分。不知芍藥花開赤白其類總同。李時珍曰根之赤白隨花之色也。盧子由曰根之赤白從花之赤白也。白根固白赤根亦白。切片以火

酒潤之。覆蓋過宿。白根轉白。赤根轉赤矣。今藥肆中一種赤芍藥。不知何物。草根兒醫瘍醫多用之。爲害殊甚。此由不察本經。不辨物性。因訛傳訛。固結不解。咸爲習俗所誤。甯不悲哉。

經讀芍藥氣平。是夏花而稟燥金之氣。味苦。是得少

芍藥非補養之物。若欲補養。須合他藥。當於論畧中求之。

陰君火之味。氣平下降。味苦下降。泄而走血。爲攻下之品。非補養之物也。邪氣腹痛。小便不利。及一切諸痛。皆氣滯之病。其主之者。以苦平而泄其氣也。血痺者。血閉而不行。甚則爲寒熱不調。堅積者。積久而堅實。甚則爲癥瘕滿痛。皆血滯之病。其主之

者。以苦平而行其血也。又云益氣者。謂邪氣得攻而淨。則元氣自然受益。非謂芍藥能補氣也。今人妄改聖經。以酸寒二字易苦平。誤認爲斂陰之品。殺人無算。仲氏曰。傷寒太陰篇云。太陰爲病。脈弱。其人續自便利。設當行大黃芍藥者。宜減之。以其人胃氣弱易動故也。乃後人不參經論。徒信僞書。流毒生靈。伊於何底。士宗云。仲師死而真傳絕。蓋絕於僞書之害道。而人不知。又曰。今人以四物湯爲補血主方。見湯內有芍藥。因信僞書之說。認爲斂陰之品。而芍藥遂列補劑矣。訛謬相承。至此

已極。

芎藾氣味辛溫無毒主治中風入腦頭痛寒癲筋攣緩急金瘡婦人血閉無子芎藾今關陝川蜀江南兩浙皆有而以川產者爲勝故名川芎清明後宿根生葉似水芹而香七八月開碎白花結黑子川芎之外次則廣芎外有南芎止可煎湯沐浴不堪入藥川芎之葉名蘆蕪可以煮食本經列於上品

崇原芎藾氣味辛溫根葉皆香生於西川稟陽明秋金之氣化名芎藾者乾爲天爲金芎穹窿也藶窮高也皆天之象也主治中風入腦頭痛者芎藾稟金氣而治風性上行而治頭腦也寒癰筋攣緩急者寒氣凝結則痺痺則筋攣緩急弛縱曰緩拘掣